

Nuuk 25. april 2024

Inatsisartut suleriaasianni § 37 imm. 1 najoqqutaralugu Naalakkersuisunut imaattumik apeqquteqarpunga:

Apeqqutit:

- 1) Nuummi Ilulissanilu mittarfissuit atuutilerpata Kangerlussuarmut Air Greenland timmisartorsua mittalerpata, Air Greenland mittarfimmuat atuinermik nunami allamiunut akit atuutsinneqartussat assigalugit akiliisassaava?
- 2) Kangerlussuarmut timmisartorsuit namminneq akiliillutik pisalerunik qanoq annertutigisumik akiliuteqartassappat?
- 3) Nunami allammiut timmisartui Ilulissanut Nuummullu mittartussat qanoq akiliisinneqartassappat?
- 4) Qanga kikkullu aalajangeramikku Kangerlussuaq ilaasunik angallassivitut nunatta karsianik aningaasalersorneqassanngitsoq, kikkullu pisinnaatikkamikkitt naalakkersuisut taamaaliornissaannut?
- 5) 100-miliunit qulaallugit aningaasalersuisoqassanngitsoq Naalakkersuisut nalunaarmata paaserusunnarpoq kikkunnik piginnaatitaallutik aningaasalersuinissamik unititsippat?
- 6) Aalajangersaarnermi kikkut pisinnaatitsissutaat Naalakkersuisunik atornerqarpa, aamma sumi paasissutissat takunerqarsinnaappat Naalakkersuisunillu aalajangersaarnermi tunngavigineqartut suuppat?
- 7) Kangerlussuarmi mittarfissuup inuiaqatigiit aningaasalersuinerisa unitsinnerannik Qeqqata kommunia ilisimatinneqarpaa?

(Inatsisartuni ilaasortaq Hans Enoksen Naleraq)

Tunngavilersuut:

Naalakkersuisut nalunaarput Kangerlussuarmut mittartut timmisartorsuit nammineq akiliisalissasut.

Naalakkersuit aalajangigaat Kangerlussuaq aningaasalersorneqassanngitsoq Inatsisartunut saqqummiussisoqarnikuunngilaq, uffalu alajangerneqarnikuusoq ilaasunik mittarfissuit Nuummi Ilulissanilu atuleraluarpata Kangerlussuaq aammaannassasoq.



Naleraq

Inatsisartut amerlanerussuteqartut aalajangernikuuat Kangerlussuarmi mittarfik mittarfissuit Ilulissani Nuummiluunniit atuleraluarpata ilaasunik kiffartuussilluni angallaffiullunilu atuinnessasoq, tassa isumaqatigiissutaanikoq inatsisartut amerlanerussuteqartut aalajangigaat.

Inatsisartuni ilisimatinneqaratalu aalajangiinermik Kangerlussuup mittarfittut aningaasalersorneqarunnaarnissaanut allanngortitserinermut inatsisartunimi peqataatitaanngilagut ilisimatinneqaratalu. Taamaallat tusarparput tusagassiorfitsigut.

Piffissami kingullermi Angallannermut attaveqaatersuutinullu naalakkersuisoq saqqummiussaqqarpoq Kangerlussuarmi ilaasunik kiffartuussineq nunatta karsianik aningaasalersorneqassanngitsoq timmisartulli tikittartut aningaasanik akiliilutik namminneq isumagissagaat.

Tuppaallannarluinnartumik tusagassiorfitsigut tusarparput Kangerlussuup mittarfittut atornerani nunatta karsianik aningaasalersuisoqqaqqissanngitsoq uffalu mittarfissuit sananeqalermata aamma isumaqatigiissutaaq ilaasunik kiffartuussinermut Kangerlussuup mittarfia ammannassasoq. Tusagassiorfitsigut tusarparput inatsisartuni ilaasortaasugut inuiaqatigiit mittarfimmut Kangerlussuarmi aningaasalersuinerat unitsinneqartut. Aalajangersakkat pissutsillu inatsisartuni aalajangersakkat atorunnaarsillugit inatsisartut avaqqutiinnarlugit pissusilersoneq assut akuersaarneqarsinnaanngilaq Naalakkersuisummi taamaaliornissaminnut inatsisartunik pisinnaatitaanngillat.

Timmisartorsuit nunami allamiut Kangerlussuarmut mittartussat qanoq akiliisinneqartassappat? Aammalu Air Greenland Kangerlussuarmut timmisartorsua mikkuni qanoq akiliuteqassava.

Inatsisartut amerlanerussuteqartut akuerinikuuat Kangerlussuup ammannassasoq.

Apeqqutikka ullut suliffiusut 10.-it luanni akineqarnissara kissaatigaara.